

كلمة الرئيس محمد أنور السادات

للسفراء العرب في بون

في ٣١ مارس ١٩٧٦

الرئيس : ان أي عائلة لا تسلم من الخلافات بينهم وبين البعض . ده أمر طبيعي يعني من طبيعة الحياة اللي احنا بنعشها ولكن بيظل في القلب دائما شيء واحد .. ان احنا عائلة واحدة . وانه في أي مرحلة من المراحل في السراء أو في الضراء لابد هنواجهها سويا مصير واحد ما فيه شك في هذا ولا جدال لقد كانت الأمة العربية في وقت من الأوقات قبل معركة ٧٣ ممزقة نتيجة أعمالنا احنا مثلا من ناحية كنا احنا صنفنا أنفسنا تصنيفات مختلفة ودخلنا في صراعات مع بعض ما كانش لها لزوم لكن لما اجمعت الأمة علي كلمة واحدة في معركة ٧٣ ودخلنا معركة ٧٣ بالاداء اللي تم فيها ثم باستخدام مالدينا من أسلحة زي البترول مثلا استطعنا بالناحيتين استطعنا ان احنا ننترع من العالم اعجابه ومنتزع من العالم مكانة القوة السادسة في عالم اليوم علشان كده أنا كل ما أقوله لكم وصيتي دائما وأنتم في البلاد الاجنبية تكونوا يداً واحدة وأخوة ومهما حدث ويحدث وحايدت بين الاخوة زي ما بيحصل في البيت الواحد في النهاية هم عائلة واحدة وفي النهاية هم اخوة وان شاء الله ربنا يوفقكم في عملكم وتعطوا هذه الصورة ونحافظ علي مكاننا اللي حصلنا عليه كقوة سادسة في عالم اليوم إنتزعناه إنتزاعا من العالم كله بعد ما كان قبل ٧٣ بيبصوا لنا باشفاق وبيبصوا لنا نظرة الحقيقة كان الانسان بيتمزق من اشفاقهم علينا الحمد الله اثبتنا ذاتنا وأثبتنا ذاتنا من كل النواحي وانتزعنا مكاننا وان شاء الله ربنا يوفقنا نحافظ عليه إن شاء الله وشكرا